

Zavod zdravstvenog osiguranja i reosiguranja
Federacije Bosne i Hercegovine

U P U T S T V O
o radu Komisije za izdavanje pojedinačnih saglasnosti za obavljanje
biomedicinski potpomognute oplodnje

Sarajevo, oktobar 2024. godine

Na osnovu člana 3. stav (5) i člana 14. stav (1) Pravilnika o obimu prava na biomedicinski potpomognutu oplodnju iz sredstava budžeta Federacije Bosne i Hercegovine, načina formiranja cijene pojedinačnih postupaka biomedicinski potpomognute oplodnje, kriterija i načina ugovaranja kao i drugih pitanja od značaja za provođenje biomedicinski potpomognute oplodnje („Službene novine Federacije BiH“, broj: 73/24) i člana 21. Statuta Zavoda zdravstvenog osiguranja i reosiguranja Federacije BiH („Službene novine Federacije BiH“, broj: 69/05) direktorica Zavoda zdravstvenog osiguranja i reosiguranja Federacije Bosne i Hercegovine, donosi

U P U T S T V O

o radu Komisije za izdavanje pojedinačnih saglasnosti za obavljanje biomedicinski potpomognute oplodnje

I OSNOVNE ODREDBE

Član 1. (Predmet)

Ovim uputstvom se uređuje način i postupak ostvarivanja prava na biomedicinski potpomognutu oplodnju i bliže upute o radu Komisije za izdavanje pojedinačnih saglasnosti za obavljanje biomedicinski potpomognute oplodnje Zavoda zdravstvenog osiguranja i reosiguranja Bosne i Hercegovine, a što podrazumjeva sastav i način rada Komisije za BMPO, način i postupak podnošenja zahtjeva za ostvarivanje prava na biomedicinski potpomognutu oplodnju, postupanje po zahtjevima, evidencije, izvještaj o radu, arhiviranje i naknadu za rad u Komisiji za BMPO.

II SASTAV I NAČIN RADA KOMISIJE ZA BMPO

Član 2. (Imenovanje i sastav Komisije za BMPO)

(1) Komisiju za izdavanje pojedinačnih saglasnosti za obavljanje biomedicinski potpomognute oplodnje (u daljem tekstu: Komisija za BMPO) formira Zavod zdravstvenog osiguranja i reosiguranja Federacije Bosne i Hercegovine (u daljem tekstu: Federalni zavod), i to iz reda stručnjaka iz ove oblasti sa područja Federacije Bosne i Hercegovine (u daljem tekstu: Federacija).

(2) Komisija za BMPO Federalnog zavoda iz stava (1) ovog člana sastoji se od najmanje tri člana koji se biraju iz reda doktora medicine specijalista ginekologije i akušerstva, i to u rangu subspecijaliste iz humane reprodukcije ili specijalista ginekologije i akušerstva sa najmanje pet godina iskustva u reproduktivnoj medicini ili iz reda doktora medicine specijalista ginekologije i akušerstva sa 10 godina specijalističkog staža. Broj članova Komisije za BMPO mora biti neparan.

(3) Članovi Komisije za BMPO imenuju se sa Liste stručnjaka, koja se vodi kod Federalnog zavoda.

- (4) Predsjednik Komisije za BMPO Federalnog zavoda je doktor medicine specijalista ginekologije i akušerstva subspecijalista iz humane reprodukcije ili specijalista ginekologije i akušerstva sa najmanje pet godina iskustva u reproduktivnoj medicini.
- (5) Komisija za BMPO se imenuje na mandatni period od 4 (četiri) godine.
- (6) Rješenjem o imenovanju Komisije za BMPO imenuju se i njihovi zamjenici kao i sekretar Komisije za BMPO.
- (7) Sekretar Komisije za BMPO obavlja administrativne poslove i nema pravo glasa.

Član 3. **(Obaveze Komisije za BMPO)**

Komisija za BMPO obavezna je u svom radu pridržavati se odredbi Zakona o liječenju neplodnosti biomedicinski potpomognutom oplodnjom („Službene novine Federacije BiH“, br. 59/18 i 44/22 - u daljem tekstu: Zakon), Pravilnika o obimu prava na biomedicinski potpomognutu oplodnju iz sredstava budžeta Federacije Bosne i Hercegovine, načina formiranja cijene pojedinačnih postupaka biomedicinski potpomognute oplodnje, kriterija i načina ugovaranja kao i drugih pitanja od značaja za provođenje biomedicinski potpomognute oplodnje („Službene novine Federacije BiH“, broj: 73/24 - u daljem tekstu: Pravilnik), Smjernica za liječenje neplodnosti (u daljem tekstu: Smjernice) donesenih na osnovu člana 23. stav (3) Zakona, odredbi ovog Uputstva i drugih propisa koji uređuju ovu oblast.

Član 4. **(Održavanje sjednica i način odlučivanja)**

- (1) Komisija za BMPO postupa i donosi odluke/saglasnosti/mišljenja i dr. po zahtjevima na sjednicama.
- (2) Održavanje sjednica zakazuje predsjednik Komisije za BMPO.
- (3) Sjednica se može zakazati i na prijedlog direktora Federalnog zavoda ili dva člana Komisije.
- (4) Akti Komisije za BMPO se donose većinom ukupnog broja članova Komisije za BMPO.
- (5) Komisija za BMPO zasjeda po potrebi, ovisno o broju zaprimljenih zahtjeva i u drugim opravdanim slučajevima.
- (6) O svim zaprimljenim zahtjevima Komisija za BMPO će donijeti odluku/saglasnost/mišljenje u roku od 30 dana od dana zaprimanja zahtjeva.

III NAČIN I POSTUPAK PODNOŠENJA ZAHTJEVA ZA OSTVARIVANJA PRAVA NA BIOMEDICINSKI POTPOMOGNUTU OPLODNJU

Član 5. **(Podnošenje zahtjeva)**

- (1) Postupak za ostvarivanje prava na biomedicinski potpomognutu oplodnju, u skladu sa odredbama ovog Uputstva, pokreću osigurana lica u Federaciji BiH odnosno bračni, odnosno vanbračni par podnošenjem zahtjeva za ostvarivanje prava na biomedicinski potpomognutu oplodnju (u daljem tekstu: zahtjev) nadležnoj Komisiji za BMPO.
- (2) Kod podnošenja zahtjeva žena mora biti u dobi do navršene 42. godine života.
- (3) Izuzetno od stava (2) ovog člana, zahtjev može podnijeti i žena nakon navršene

42. godine života, odnosno na prijedlog stručnog konzilija zdravstvene ustanove u kojoj se liječe bračni, odnosno izvanbračni partneri, a iz opravdanih zdravstvenih razloga, u skladu sa Zakonom i Smjernicama donesenim na osnovu člana 23. stav (3) Zakona.

(4) Zahtjev se u pravilu podnosi:

- Komisiji za BMPO sa sjedištem u Federalnom zavodu za osiguranike Kantona Sarajevo, Srednjobosanskog kantona, Bosansko-podrinškog kantona i Zeničko-dobojskog kantona;

- Komisiji za BMPO sa sjedištem u Sveučilišnoj kliničkoj bolnici Mostar za osiguranike Hercegovačko-neretvanskog kantona, Kantona 10 i Zapadno-hercegovačkog kantona;

- Komisiji za BMPO sa sjedištem u Univerzitetskom kliničkom centru Tuzla za osiguranike Tuzlanskog kantona, Posavskog kantona i Unsko-sanskog kantona.

(5) Izuzetno od stava (4) osigurana lica u Federaciji BiH odnosno bračni, odnosno vanbračni par, mogu podnijeti zahtjev i drugoj Komisiji za BMPO bez obzira na adresu prebivališta.

Član 6. (Sadržaj zahtjeva)

Zahtjev potpisan od strane oba partnera se podnosi na Obrascu broj 1. koji čini sastavni dio ovog uputstva, a sadrži elemente kako slijedi:

- ime i prezime oba partnera - podnosioca zahtjeva,
- JMB oba partnera - podnosioca zahtjeva,
- kontakt telefon oba partnera - podnosioca zahtjeva,
- e-mail adresu oba partnera - podnosioca zahtjeva,
- adresu prebivališta oba partnera - podnosioca zahtjeva.

Član 7. (Dokumentacija koja se dostavlja uz zahtjev)

Uz zahtjev se prilaže dokumentacija kako slijedi:

a) Izvod iz matične knjige vjenčanih izdat od nadležne općine, odnosno ovjerenu izjavu od notara iz koje proizilazi da vanbračna zajednica traje najmanje tri godine;

b) Potvrdu nadležnog kantonalnog zavoda zdravstvenog osiguranja o statusu osiguranog lica u Federaciji BiH za oba partnera;

c) Nalaz/nalaze doktora medicine specijaliste ginekologije i porodiljstva, kojim/a se potvrđuje:

- da su provedeni postupci utvrđivanja uzroka neplodnosti ili smanjenja plodnosti saglasno Smjernicama za liječenje neplodnosti donesenim na osnovu člana 23. stav (3) Zakona o liječenju neplodnosti biomedicinski potpomognutom oplodnjom („Službene novine Federacije BiH“, br.: 59/2018 i 44/22),
- da postoje indikacije za biomedicinski potpomognutu oplodnju saglasno Smjernicama,
- da su iscrpljene sve druge mogućnosti liječenja neplodnosti ili da hirurška, medikamentozna ili kombinirana terapija nije moguća ili nije uspješna, a saglasno Smjernicama i uz odgovarajuću dokumentaciju koja to dokazuje,

- da je provedeno liječenje parova saglasno Smjernicama,
 - da su partneri informisani o BMPO saglasno članu 32. Zakona;
- d) Laboratorijski nalaz da je obavljeno testiranje u partnerskoj donaciji saglasno Smjernicama, i to: anti-HIV-1 i anti-HIV-2, HbsAg i anti-HBc, anti-HCV (antitijela na hepatitis C) i sifilis - specifični ili nespecifični treponema test i
- e) Izjava para o odabiru ovlaštene ugovorne zdravstvene ustanove za obavljanje BMPO sa Liste ovlaštenih ugovornih zdravstvenih ustanova za BMPO koja se objavljuje na Internet stranici Zavoda.
- (2) Ukoliko se par odluči na promjenu ovlaštene ugovorne zdravstvene ustanove za obavljanje BMPO sa Liste ovlaštenih ugovornih zdravstvenih ustanova za BMPO, Komisija za BMPO će izdati novu saglasnost u skladu sa zahtjevom para.
- (3) U slučaju kada se zahtjev podnosi u skladu sa stavom (3) člana 5. ovog pravilnika, u dokumentaciji se prilaže nalaz/medicinska dokumentacija da je žena koja je navršila 42 godine života zbog bolesti, svoje ili partnerove, morala odgoditi liječenje neplodnosti, a u skladu sa Zakonom i Smjernicama.

IV POSTUPANJE PO ZAHTJEVIMA

Član 8. (Razmatranje zahtjeva)

- (1) Po zaprimanju zahtjeva Komisija za BMPO razmatra zahtjev u pogledu formalno pravne ispravnosti, a u skladu sa ovim Uputstvom.
- (2) Ukoliko zahtjev sadrži formalne nedostatke ili je nepotpun, podnosiocu zahtjeva se u pismenoj formi ostavlja rok od 15 (petnaest) dana da ove nedostatke otkloni.
- (3) Postupanje po zahtjevu iz st. (1) i (2) ovog člana kao i cjelokupni postupak se provodi saglasno odredbama Zakona o upravnom postupku ("Službene novine Federacije BiH", br. 2/98, 48/99 i 61/22).

Član 9. (Donošenje akata Komisije)

- (1) Za zahtjeve koji su formalno pravno ispravni, potpuni i uz koje je priložena sva propisana dokumentacija i iz koje proizilazi ispunjenost svih propisanih uslova saglasno važećim propisima, Komisija za BMPO izdaje pojedinačnu Saglasnost za obavljanje biomedicinski potpomognute oplodnje, za svaki postupak pojedinačno.
- (2) Saglasnost za obavljanje biomedicinski potpomognute oplodnje iz stava (1) ovog člana se izdaje sa rokom važenja najduže 12 mjeseci od dana izdavanja. Navedeni rok je rok u kojem je potrebno započeti postupak biomedicinski potpomognute oplodnje.
- (4) Saglasnost važi za pokušaj intrauterine inseminacije, sukladno medicinskim indikacijama i smjernicama za liječenje.
- (5) Saglasnost važi za pokušaj vantjelesne oplodnje (IVF/ICSI) koji podrazumijava stimulaciju jajnika, punkciju i aspiraciju, izvantjelesnu oplodnju, kultivaciju, embriotransfer svježeg zametka, kriopobranu zametaka, te sukcesivne embriotransfere odmrznutih zametaka koji su prethodno zamrznuti, a rezultirali su procedurom izvantjelesne oplodnje.
- (6) Saglasnost se izdaje na Obrascu 2. koji čini sastavni dio ovog uputstva.

(7) Ukoliko Komisija za BMPO utvrdi da podnosioci zahtjeva ne ispunjavaju propisane uslove saglasno propisima, daje Mišljenje o tome uz obrazloženje razloga neispunjavanja uslova.

(8) Mišljenje da podnosioci zahtjeva ne ispunjavaju propisane uslove saglasno propisima se izdaje na Obrascu 3. koji čini sastavni dio ovog uputstva.

Član 10.

(Rješenje Federalnog zavoda i pravo na žalbu)

(1) Saglasnost za obavljanje biomedicinski potpomognute oplodnje Komisije za BMPO iz člana 9. stav (1) ovog Uputstva ima karakter upravnog akta.

(2) Na osnovu Mišljenja Komisije za BMPO iz člana 9. stav (4) ovog Uputstva direktor Federalnog zavoda donosi rješenje kojim se odbija zahtjev za obavljanje biomedicinski potpomognute oplodnje.

(3) Protiv Saglasnosti i rješenja iz st. (1) i (2) ovog člana može se izjaviti žalba Federalnom ministarstvu zdravstva u roku od 15 (petnaest) od dana zaprimanja istih.

(3) Žalba iz stava (3) ovog člana predaje se neposredno nadležnoj Komisiji za BMPO ili se šalje poštom na adresu sjedišta Komisije za BMPO, koja je postupala po podnesenom zahtjevu.

(3) Sekretar Komisije za BMPO o sadržaju žalbe upoznaje članove Komisije, te istu upućuje na nadležno odlučivanje Federalnom ministarstvu zdravstva.

(4) Rješenje Federalnog ministarstva zdravstva doneseno po žalbi je konačno i protiv istog se može pokrenuti upravni spor u skladu sa zakonom o upravnim sporovima.

V EVIDENCIJA, IZVJEŠTAJ O RADU, ARHIVIRANJE I NAKNADA ZA RAD U KOMISIJI ZA BMPO

Član 11.

(Evidencija izdatih saglasnosti)

Zavod će voditi posebnu evidenciju o izdatim saglasnostima i troškovima liječenja biomedicinski potpomognutom oplodnjom pojedinačno po paru odnosno podnosiocu zahtjeva.

Član 12.

(Izveštaj o radu Komisije za BMPO)

Predsjednik Komisije za BMPO dužan je dostaviti izvještaj o radu Komisije za BMPO za svaki mjesec rada, a po isteku kalendarske godine dostaviti Godišnji izvještaj o radu Komisije za BMPO direktoru Federalnog zavoda.

Član 13.
(Arhiviranje)

Sekretar Komisije za BMPO će nakon završetka sjednice pripremiti i arhivirati dokumentaciju u skladu sa općim aktima koji uređuju pitanje kancelarijskog poslovanja i arhiviranja.

Član 14.
(Naknada za rad)

Članovi Komisije za BMPO, zamjenici članova Komisije i sekretari imaju pravo na naknadu za svoj rad čija visina se utvrđuje posebnom odlukom.

VI PRELAZNE I ZAVRŠNE ODREDBE

Član 15.
(Prilozi Uputstva)

Sastavni dio ovog Uputstva su:

- Obrazac 1 - Zahtjev za ostvarivanje prava na biomedicinski potpomognutu oplodnju,
- Obrazac 2 - Saglasnost za obavljanje biomedicinski potpomognute oplodnje i
- Obrazac 3 - Mišljenje.

Član 16.
(Prelazne i završne odredbe)

Stupanjem na snagu ovog Uputstva prestaje da važi Uputstvo o radu Komisije za izdavanje pojedinačnih saglasnosti za obavljanje biomedicinski potpomognute oplodnje broj: 01/III-03-5-2126-1/23 od 08.05.2023. godine i broj: 01/III-03-5-398-1/24 od 29.01.2024. godine.

Član 16.
(Stupanje na snagu)

Ovo uputstvo stupa na snagu danom donošenja i objavljuje se na internet stranici Federalnog zavoda.

Broj: 01/III-03-5-5183-1/24
Sarajevo, 17.10.2024. godine



DIREKTORICA

Izv. prof. dr. sc. Vlatka Martinović, dr.med.

PODNOŠIOCI ZAHJEVA:

(ime i prezime jednog partnera)

(JMB)

(kontakt telefon)

(e mail adresa)

(adresa prebivališta)

(ime i prezime drugog partnera)

(JMB)

(kontakt telefon)

(e mail adresa)

(adresa prebivališta)

**ZAVODU ZDRAVSTVENOG OSIGURANJA I REOSIGURANJA
FEDERACIJE BOSNE I HERCEGOVINE**

**Komisiji za izdavanje pojedinačnih saglasnosti za obavljanje biomedicinski potpomognute oplodnje
Zavoda zdravstvenog osiguranja i reosiguranja FBiH**

- Komisiji za BMPO sa sjedištem u Zavodu zdravstvenog osiguranja i reosiguranja FBiH, Trg heroja 14, Sarajevo
- Komisiji za BMPO sa sjedištem u Sveučilišnoj kliničkoj bolnici Mostar, Kralja Tvrtka bb, Mostar
- Komisiji za BMPO sa sjedištem u Univerzitetkom kliničkom centru Tuzla, prof. dr. Ibri Pašića, Tuzla

Predmet: Zahtjev za ostvarivanje prava na biomedicinski potpomognutu oplodnju

Na osnovu člana 2. Pravilnika o obimu prava na biomedicinski potpomognutu oplodnju iz sredstava budžeta Federacije Bosne i Hercegovine, načina formiranja cijene pojedinačnih postupaka biomedicinski potpomognute oplodnje, kriterija i načina ugovaranja kao i drugih pitanja od značaja za provođenje biomedicinski potpomognute oplodnje („Službene novine Federacije BiH“, broj: 73/24) i čl. 5., 6. i 7. Uputstva o radu Komisije za izdavanje pojedinačnih saglasnosti za obavljanje biomedicinski potpomognute oplodnje podnosimo zahtjev za izdavanje saglasnosti za obavljanje biomedicinski potpomognute oplodnje.

Uz zahtjev prilažemo slijedeću dokumentaciju:

1. Izvod iz matične knjige vjenčanih izdat od nadležne općine, odnosno ovjerenu izjavu od notara iz koje proizilazi da vanbračna zajednica traje najmanje tri godine;
2. Potvrdu nadležnog kantonalnog zavoda zdravstvenog osiguranja o statusu osiguranog lica u Federaciji BiH za oba partnera;
3. Nalaze doktora medicine specijaliste ginekologije i porodiljstva, kojim se potvrđuje:
 - da su provedeni postupci utvrđivanja uzroka neplodnosti ili smanjenja plodnosti saglasno Smjernicama za liječenje neplodnosti (u daljnjem tekstu: Smjernice) donesenim na osnovu člana 23. stav (3) važećeg Zakona o liječenju neplodnosti biomedicinski potpomognutom oplodnjom,
 - da postoje indikacije za BMPO saglasno Smjernicama,
 - da su iscrpljene sve druge mogućnosti liječenja neplodnosti, ili kada hirurška, medikamentozna ili kombinirana terapija nije moguća ili nije uspješna, a saglasno Smjernicama i uz odgovarajuću dokumentaciju koja to dokazuje,
 - da je provedeno liječenje parova saglasno Smjernicama,
 - da su partneri informisani o BMPO saglasno članku 32. Zakona;
4. Laboratorijski nalaz da je obavljeno testiranje u partnerskoj donaciji saglasno Smjernicama, i to: anti-HIV-1 i anti-HIV-2, HbsAg i anti-HBc, anti-HCV (antitijela na hepatitis C) i sifilis - specifični ili nespecifični treponema test

5. Izjavu para o odabiru ovlaštene ugovorne zdravstvene ustanove za obavljanje BMPO sa Liste ovlaštenih ugovornih zdravstvenih ustanova za BMPO koja se objavljuje na Internet stranici Zavoda;
6. Nalaz/medicinsku dokumentaciju da je zbog bolesti (svoje ili partnerove) moralo biti odgođeno liječenje neplodnosti, u slučaju da zahtjev podnosi žena koja je navršila 42 godine života.

Saglasni smo da u skladu sa Zakonom o zaštiti ličnih podataka Zavod vrši obradu ličnih podataka sadržanih u dokumentaciji do trenutka okončanja postupka vezano za ostvarivanje prava na BMPO.

Dna ____, ____, 20__ . godine

Podnosioci zahtjeva:

Ime i prezime

Ime i prezime

Zavod zdravstvenog osiguranja i reosiguranja FBiH

Komisije za izdavanje pojedinačnih saglasnosti za obavljanje biomedicinski potpomognute

(naziv i sjedište ustanove Komisije za BMPO)

Na osnovu člana 29. Zakona o liječenju neplodnosti biomedicinski potpomognutom oplodnjom („Službene novine Federacije BiH“, br.: 59/18 i 44/22), člana 3. Pravilnika o obimu prava na biomedicinski potpomognutu oplodnju iz sredstava budžeta Federacije Bosne i Hercegovine, načina formiranja cijene pojedinačnih postupaka biomedicinski potpomognute oplodnje, („Službene novine Federacije BiH“ broj: 73/24) kriterija i načina ugovaranja kao i drugih pitanja od značaja za provođenje biomedicinski potpomognute oplodnje, te člana 9. st. (1) i (2) Uputstva o radu Komisije za izdavanje pojedinačnih saglasnosti za obavljanje biomedicinski potpomognute oplodnje, na sjednici održanoj dana _____ godine, (naziv i sjedište ustanove Komisije za BMPO) daje:

SAGLASNOST

za postupak biomedicinski potpomognute oplodnje (BMPO) bračnog/vanbračnog para:

žena: _____
muškarac: _____
(ime osiguranika) (prezime osiguranika) (JMB osiguranika)

na teret sredstava Budžeta/Proračuna Federacije Bosne i Hercegovine – namjenski transfer.

U postupku po zahtjevu bračnog/vanbračnog para utvrđeno je da (ime i prezime žena), sa mjestom prebivališta (ulica i broj), (opština), (kanton) i (ime i prezime muškarac), sa mjestom prebivališta (ulica i broj), (opština), (kanton), imaju pravo na pružanje zdravstvene usluge i lijekova*:

(naziv zdravstvene usluge i broj pokušaja)

te se upućuju u zdravstvenu ustanovu:

_____ radi pružanja ove usluge.

(naziv zdravstvene ustanove i sjedište)

*Lijekovi za stimulaciju ovulacije koji se koriste u postupku BMPO su utvrđeni Odlukom Komisije za primjenu postupaka biomedicinski potpomognute oplodnje Federalnog ministarstva zdravstva o vrsti generičkih lijekova za stimulaciju ovulacije koji se koriste u biomedicinski pomognutoj oplodnji.

Saglasnost važi godinu dana od dana izdavanja. Navedeni rok je rok u kojem je potrebno započeti postupak biomedicinski potpomognute oplodnje.

Saglasnost važi za pokušaj intrauterine inseminacije, sukladno medicinskim indikacijama i smjernicama za liječenje.

Saglasnost važi za pokušaj vančijelesne oplodnje (IVF/ICSI) koji podrazumijava stimulaciju jajnika, punkciju i aspiraciju, izvančijelesnu oplodnju, kultivaciju, embriotransfer svježeg zametka, kriopobranu zametaka, te sukcesivne embriotransfere odmrznutih zametaka koji su prethodno zamrznuti, a rezultirali su procedurom izvančijelesne oplodnje

Broj: _____
_____, datum godine

Predsjednik: _____

Član: _____

Član: _____

Dostaviti:

1. Zavodu zdravstvenog osiguranja i reosiguranja FBiH
2. Zdravstvenoj ustanovi u koju se par upućuje
3. Podnosiocima zahtjeva

Zamjenski član: _____

Zamjenski član: _____

Zamjenski član: _____

BOSNA I HERCEGOVINA

FEDERACIJA BOSNE I HERCEGOVINE

Zavod zdravstvenog osiguranja i reosiguranja FBiH

Komisije za izdavanje pojedinačnih saglasnosti za obavljanje biomedicinski potpomognute

(naziv i sjedište ustanove Komisije za BMPO)

Broj: BMPO-_____

Na osnovu člana 9. st. (4) i (5) Uputstva o načinu i postupku podnošenja zahtjeva za ostvarivanja prava na biomedicinski potpomognutu oplodnju i bližim uputama o radu Komisije za BMPO, a vezano za Zahtjev (ime i prezime žena), sa mjestom prebivališta (ulica i broj), (opština), (kanton) i (ime i prezime muškarac), sa mjestom prebivališta (ulica i broj), (opština), (kanton) broj (broj zahtjeva) od (datum zahtjeva) godine na sjednici održanoj dana (datum održavanja sjednice) Komisija za izdavanje pojedinačnih saglasnosti za obavljanje biomedicinski potpomognute oplodnje (naziv i sjedište ustanove Komisije za BMPO), daje sljedeće

MIŠLJENJE

Ime	Prezime	Datum rođenja
_____	_____	_____
_____	_____	_____

Uvidom u podnesenu dokumentacije, a u skladu sa odredbama Zakona o liječenju neplodnosti biomedicinski potpomognutom oplodnjom („Službene novine Federacije BiH“, br. 59/18 i 44/22), Pravilnika o obimu prava na biomedicinski potpomognutu oplodnju iz sredstava budžeta Federacije Bosne i Hercegovine, načina formiranja cijene pojedinačnih postupaka biomedicinski potpomognute oplodnje, kriterija i načina ugovaranja kao i drugih pitanja od značaja za provođenje biomedicinski potpomognute oplodnje, Smjernica za liječenje neplodnosti („Službene novine Federacije BiH“, broj: 73/24) i Uputstva o radu Komisije za izdavanje pojedinačnih saglasnosti za obavljanje biomedicinski potpomognute utvrđeno je da imenovani bračni/vanbračni par ne ispunjava uslove za ostvarivanje prava na zdravstvenu uslugu biomedicinski potpomognute oplodnje (BMPO) iz sredstava Budžeta Federacije Bosne i Hercegovine.

Obrazloženje Komisije:

Predsjednik: _____

Član: _____

Član: _____

Dostaviti:

- Zavodu zdravstvenog osiguranja i reosiguranja FBiH
- a/a

Zamjenski član: _____

Zamjenski član: _____

Zamjenski član: _____